

# Nyakula kulintjaku Equal Opportunity Law tjuṯa South Australia-la ngaranytja.



Government  
of South Australia  
Equal Opportunity SA

*Nganana uwankara lipula tjungu ngaranyi!*

*Law tjuṯa ngaranyi South Australia-la anangu uwankara lipula kanyintjikitja. Law nyanga paluru tjana nyuntunya atunmananyi kutjupa-kutjupanguru panya discrimination-nguru, sexual harassment-nguru munu victimization-nguru.*

*Pipa nyangangu law nyanga palunya tjananya utini nyura kulintjaku.*

## **Discrimination: nyaa nyanga paluru?**

Discrimination-pangku wangkanyi anangu kutjupa nyakula wiyamara wantinytja:

- Age – tjinguru tjilpi nguwanpa wantinyi, munta tjinguru yangupala wantinyi.
- Disability – tjinguru nyumpu, pinatjara, kuru pati munu disability kutjupa-kutjupa tjara nyakula wantinyi.
- Anangu ngaltutjara tjinguru miitangu, munta walytja kutjupangku pungkuntja, nyakula wantinyi.
- Minyma paku, munta tjtji tjara nyakula wantinyi.
- Race – Anangu ngura kutjupanguru pitjantja, munta miri kala kutjupa nyakula wantinyi.
- Religious appearance or dress – ulytja kutjupatjara nyakula wantinyi.
- Tjinguru mitatjara wantinyi, munta mita wiyatjara wantinyi.
- Wati munta kungka – Tjinguru kungkaku mukuringkula, nyitayira wantinyi munta nyitayiraku mukuringkula, kungka wantinyi.
- Gender identity – tjinguru nyitayira kungka nguwanpa ngaranyi munta kungka nyitayira nguwanpa ngaranyi, kaya nyakula wantinyi.
- Sexual orientation – nyitayira kutjara kurirara munta kungka kutjara kurirara, kaya nyakula wantinyi.

## **Sexual harassment: nyaa nyanga paluru?**

Tjinguru watingku munta kungkangu anangu kutjupa, watarku ngaranyangka pampuni, munta tjinguru tjukurpa kulanytju wangkanyi munu palunya tjinguru ngulutjingara kunta palyani. Equal Opportunity-ngku kulilku anangu pampuntja- wanungku tjukurpa wangkanyangka.

## **Victimisation: nyaa nyanga paluru?**

Anangu kutjupangku kura palyantja tjakultjunkunyangka, (tjinguru Equal Opportunity SA-ngka) Ka palunya kuranmara wantinyi.

## **Yaaltjingka discrimination, sexual harassment munu victimization tjinguru ngaraku?**

Equal Opportunity Act 1984 (SA)-ngku Anangu tjuṯa atunymankupai ara nyanga tjuṯangka:

- Waakarinyangka munu waarkaku ngurinyangka.
- Kutjupa-kutjupa tjuṯaku mukuringkula payamilantjikitja, tjinguru tjuwangka, munta tjinguru nyuntunya alpamilantjaku.
- Nguraku ngurinyangka.
- Kuulangka nintiringkunyangka, ka tjinguru kutjupa titja waakarinyangka.
- Club kutjupa-kutjupa tjuṯangka (tjinguru sports club / church/ youth shed)

## **Nyuntu nyaa palyantjaku nyuntunya kurarapungkunyangka?**

Kutjupangku nyuntunya kura palyanyangka nyuntumpa ngaranyi Equal Opportunity SA-ngka tjakultjunkuntjaku.

Equal Opportunity SA website nyawa kamputangka munta mukuringkula ringamilara wangka.

Nganana nyuntumpa tjukurpa kumpilpa kanyilku munula nyuntu palyanmankunyangka kutju anangu kutjupangka tjakultjunkuku.

## **Nampa nyangatja ringamilala Equal Opportunity SA -kutu**

Ph: (08)73227070

Ngura patunguru nyinarampa ringamilala: 1800188163

*Nyuntu interpreter-ku, (panya tjukurpa utintjaku) mukuringkula Interpreting and Translating Centre ringamilala 1800280203 munu wangka Equal Opportunity SA-ngka wangkantjikitjangku.*

Email mukuringkula iyala munta website-pangka tjarpara nyawa.

Email: [Equal@sa.gov.au](mailto:Equal@sa.gov.au)

Website: [www.equalopportunity.sa.gov.au](http://www.equalopportunity.sa.gov.au)

Social media-ngka nganana ngaranyi. Ka mukuringkula alara nyawa.



**WE'RE  
EQUAL**